

**EPICRISIS  
OBSERVATIONUM  
CL. BELLEY  
ACADEMICI  
PARISINI IN...**

---

Joseph Khell von Khellburg







**B**iennium pene iam effluxit, Viri Inlustissimi, a die illa mihi multo lætissima, atque perhonorifica, qua me in nobilissimum vestrum collegium coopratum fuisse publicis ex tabulis intellexi, fateor, non levi me illico pudore confusum, cum me, qui id honoris ne petere quidem mihi somnissem, repente in amplissimo coetu & sanguinis claritate, & omni eruditione conspicuorum virorum constitutum circumspexi; ubi me ex jucundissimo quodam stupore conlegi, nihil prius apud animum decrevi, quam efficere, ut si in minus merentem, saltem non in ingratum amplissimum beneficium conlatum experiamini.

A 2

Desti-

Destinaveram vobis quantocyus conmentationem aliquam in columnam milliariam perelegantem Septimii Severi Imp. duobus abhinc annis in Hungaria erutam, atque proxime elapso in atrio bibliothecae Garellianae magnifice, ut condecebat, a me dedicatam, verum cum opuscula duo, quae sub manu erant, scilicet libellus de numo Augusti aureo ex Herculanensibus rudibus protracto, qui ad amicorum preces elaboratus, non Vindobonae solum, sed Lipsiae etiam eruditorum actis postremis ad verbum insertus iam lucem vult; & supplementum ad numismata praestantiora Vaillantii aurea, & argentea ex foliis museis Austriacis nuper admodum ad praelum typographicum ex scripto translatus; tum illud potissimum abstinnit, quod haecenus chorographicam tabellam ejus regionis, in qua praecelsum hoc monumentum repertum fuit, quidquid egeram, nactus non fui, sine cuiusmodi subsidio, ut videtis ipsi, in argumento, quod itineraria spectat, neque adcurate, neque nitide scribi quidquam potest.

Ita fluctuans, atque aliud quid in tomo XXVII. *del Acad. de belles lettres* inquisiturus percommode incidi in paginam 154. partis prioris, quam *Historiam* nominare solent Parisini, mirabar, qui factum sit, ut observationes contra Illustrissimi Stoschii epistolam ad vos anno MDCCCLV datam, alias transiliverim, atque illud etiam non parum, amicissimum Belleyum adfertionem de Magniae Urbicae Carini uxore, ad hoc tempus mihi minime dubiam, convellendam sibi fuisse.

Videbatur illico argumentum nobilissimo vestro senatu dignum, si vindicias & Urbicae, & Stoschii Clarissimi susciperem; adiciebat eum eadem adjunctorum ratio, neque enim alia de causa epistolam eam vobis inscripsit, quam ut pro honore Cortonensis academici in se conlato gratias ordini vestro referret, tum viri eruditi dulcissima amicitia invitabat, retinebat tamen etiam illa, quae cum ornatissimo Belleyo,  
conci-

conciliante optumo Pellerinio, mihi coaluit; verum facile me hinc perlectis ejus observationibus expedivi, nam ut multa & gravia ad eas refellendas mihi in mentem venerunt, ita vidi virum honestissimum nihil præ veritate æstimare magis. Quare confidenter adfero, per injecta a Cl. Belleyo dubia aut Magniam Vrbicam Carini thalamo nunquam extrusam, aut si apud aliquos id foret, eidem restituendam esse.

Pretiosum Stoschii numulum epicrisi præfixum potius demonstrare, Magniam Carini matrem, quam uxorem fuisse, ex antiquis monumentis cum historia comparatis efficere adlaborat eruditus Parisinus, iisdem ipse depugnabo armis; Præcipuos argumenti in compendium contracti nervos sub unum conspectum do, ita ratiocinatur Vir Clarissimus: Magnia Vrbica non poterat esse uxor Carini, ergo matrem fuisse est necesse, quia matres etiam in filiorum ære comparent. Singula mecum expendite Socii Ornatissimi; uxor esse non poterat. Ecce illud, dum tamen in averfa ejus capiti conjungitur, sicut Sallustia Barbia Orbiana Alexandro, Decio Etruscilla? prohibent id vagæ nimis Carini libidines: atque potissimum luculentum Vopisci testimonium in Carino pag. 302. edit. Weibel: *Uxores ducendo, ac rejiciendo novem duxit, pulsas plerisque prægnantibus.*

Nempe Vopiscus unus hoc narrat, Suidæ excerpta puerorum stupra solum commemorant, Eutropius L. IX. τῶν δὲ αἰτ, τὰς ἐνθάδε ὑβρίων *horum quidem thalamos contaminabat*, ne verbulo de tam turpi matrimonii inconstancia injecto; ast cum huiusmodi probris sane conjugium aliquod consistere poterat, imo Eutropii verba id indicare videntur aliquo modo. Similia fere de Domitiano legimus in Suetonio L. VIII. pag. 664. edit. Grævii. *Contrectatis multorum uxoribus Domitiam Longinam Ælio Lamio nuptam etiam in matrimonium abduxit.*

Sed tribuamus aliquid Vopisco, qui non solum inter historiarum angustae scriptores maiorem laudem habet, sed Fulvium Asprianum etiam legit, ex quo tamen prae enormi luxuria praestitisset matris & uxoris nomina adnotare, tribuamus, inquam illi aliquid, novem uxores & duxerit, & rejecerit etiam praegnantem, an non harum unam postliminio recepisse poterat, cujus effigies ad nos usque in numis transmissa fuerit? Quam in omnem libidinem projectum, quam in conjugio inconstantem scimus Elagabalum?

Prima Cornelia Paula, quam teste Dione splendidissimis nuptiis duxerat, matrona honestissima ac pulcherrima, & quidem ut Herodianus *L. V.* scribit: *μετ' ἱλίχον χρόνον paullo post repudiata*, Aquiliam Severam ex ipso Vestae sacrario rapuit, de qua idem adjicit: *μετ' ἑὸν πολὺ ἀπεπέμφθη, sed eam quoque non multo post dimisit.* Eadem narrans Dio *L. LXXIX.* pag. 911. edit. *Wechel:* *καὶ ἰδὼν ἐκείνην μέντοι ἐπὶ πολὺ κατέχευεν neque tamen hanc diu retinuit*, subiungit: *ἀλλὰ ἐτίραν, ἰδ' ἐτίραν, καὶ μαλὰ ἄλλην ἔγχευε καὶ μετὰ τούτο πρὸς τὴν Σευήραν ἀπεπέμφθη.* *Sed aliam, deinde aliam, atque aliam duxit, post ad Severam rediit.* Has inter Anniam Faustianam fuisse, ex historicis numorum adminiculo discimus.

An non hic iam totidem fere uxores tenemus, quot Carino adscribit Vopiscus? septem nuptiae & quidem ab augusto celebratae in conperto sunt; adtamen harum nox repudiarum angustiarum trium, omnium antiquariorum confessione, in numis effigies inter rariora cimelia conservamus, idque non obstante varia illa per omne scelus libidine. Ecce una Urbica eodem in numo cum Carino consignata ejus uxor negabitur, qui, si etiam Aspriani commentarios legissemus, propudioso vivendi genere multo inferior Elagabalo, cur, inquam, haec uxor negabitur, idque ob unicum Vopisci locum, qui forsan ipsi Cl. Belleyo infirmior fuisset visus, nisi illum numo majoris formae subcollavisset, de quo paullo inferius.

Si-

Sine missili illo ad ostentationem & memoriam stato numismate Vopiscum, vel potius ea, quæ ex ejus verbis deducuntur, infirmabo & evertam, idque non sine alio historici ejusdem testimonio; *Uxores ducendo ac rejciendo novem duxit*. Ast quando per hæc vaga conjugia se volutavit? nego id factum, dum cæsar in Galliis ageret, nego, ab augusto, qua in sententia obfirmatus persisto, dum probabili aliqua ratione, aut historici luculento testimonio ab illa me deturbabit aliquis, id quod fiet nunquam. Ad vitam privatam ante mensem augustum anni V. C. 1035, quo Carus parens imperium adivit, hæc multo probabilius rejicio; Scio quidem Vopiscum hæc scripsisse, postquam præmiserat: *Hic (Carinus) cum decretis sibi Galliis atque Italia, Illyrico, Hispaniis, Britanniis, & Africa relictus a patre Casarianum teneret imperium*. Verum oblitum eum, quid superius in Probo *sub finem* narraverat, omnia Carini crimina hic unum in locum parum adcurate, nulla nempe temporum distinctione servata, congestisse adfero.

Narrat loco indicato: *cum esset nunciatum, Carum imperare, virum bonum quidem, sed longe a moribus Probi, causa filii ejus Carini, qui SEMPER PESSIME VIXERAT, tam Senatus, quam populus inhorruit, metuebant enim unusquisque tristiores principem, sed magis IMPROBUM bæredem*. Quivis mihi adscenietur, ad hoc ut senatus, & populus ad nunciatam Cari electionem inhorruerit, ut historicus Carinum IMPROBVM, eum, qui SEMPER PESSIME VIXERAT, scribere potuerit, grandia aliqua scelera præcedere debuisse, & quæ illa? an civium oppressiones, rapinæ, per innocentum cædes furens crudelitas? quis hæc cum privata juvenis vita conciliabit? Quare stuprorum licentia, & quod offendeat plurimum, toties contempta conjugii sanctitas esse debebat, quod senatum & populum adeo graviter commoverat.

His

His ita constitutis an non ad repudiatarum conjugum aliquam aut caesarem, aut saltem augustum exemplo Elagabali, & spe continuandi in filiis imperii, praecipue fratre occiso, eum redivisse multo est probabilius? profecto Carini numi iam augusti titulo inscripti cum averſæ partis epigraphe: AETERNIT., atque signo mulieris ſ. veſtem adducentis, d. phœnicem tenentis, præſertim ſi Cl. Begeri observationem *Theſ. Brand. T. II. pag. 773.* adjicimus, commune hoc principibus deſiderium conprobare, quemadmodum uxorem magnificis illis ludis Romæ V. C. 1037. pridie idus ſeptembris editis adſuiſſe Calpurnius indicare videtur *Eclog. VII. v. 78.*

*Dic age, dic Corydon, quæ ſi modo forma DEORVM,*

Cor. *O utinam nobis non ruſtica veſtis ineſſet*

*Vidiſſem propius mea numina.*

Etenim ignorare non poterat Calpurnius, Numerianum tum ad exercitum in oriente abſuiſſe, de quibus ergo præſentibus diis, quorum formam exquiriſt tam ſolicite Lycidas, ſermo eſſe poterat, niſi conjugem, de qua in vulgus conſtabat, lateri adhæſiſſe non dubitaviſſet, quam quidem vidiſſe ſe, in uno Carino deſixus (ut eminus conſtitutus, etiam præſentem vidiſſe non poterat) non commemorat Corydon.

Adcuratius multo, quam Vopifcus privatam & publicam Carini vitam diſtinxit Suidas *in excerpt. pag. 874. Edit. Wechel.* qui dum narraſſet: Καρίνος γενόμενος ἐν ἐξουσίᾳ βυλῆσεως κύριος, ἀνέδραμεν τηλικούτων κινδύνων εἰς τυραννίδα, ὥτε καὶ τὸνομα τῆς ἔργου μακρῇ παρήλθε. Carinus *in poteſtate conſtitutus ſuo arbitratu agendi omnia, in acerbiffimam tyrannidem ita prornit, ut tyranni noſſen faciliſ multum fuerit prætergreſſus,* ſubjicit quotidiana puerorum ſupra, quibus nempe ab adoleſcentia, quam *improbuſ peſſime vixit,* inſueverat, proſequitur: Ο δὲ ἐνελήματόν τε ἀνέκλινον



τα, καὶ ἰδίᾳ τοῖς ἀδικουμένοις, καὶ τῶν ἀμαχομένων υἱοῖς ἐπύκνω. *Crimina etiam conminiscebatur, Et jus dicebat iis, qui laesi fingebantur, neque litigatorum aliquis incolumis evasis. Et post pauca de promiscuis optimatum cadibus a Carino editis loquens, ne verbo de novem conjugii facto: μνησθαι, αἰε, ἀδ τῶν κατακκοπόμενων ἔφασκε τῶν μὲν ὅτι ἐκ ἐμπροσθεν αὐτῷ τὸ κάλλος, τῶν δὲ, ὅτι λίγοντα, ὅτι ἤν μαιράκιον, ἐκ ἐπαύμα-  
σαν, ὡς ἐβύλετο. Meminisse autem se dicebat, quosdam eorum, qui iru-  
cidabantur, non laudasse suam formam, alios se puerum, dum orationem  
diceret, non ita fuisse admiratos, ut volebat.*

Sistamus hic tantisper: has ergo & id genus injurias nec tum, nec in adolescentia, verbo antequam esset ἐν ἐκτοῖς βυλῆσι κύριος in potestate quilibet suo arbitrio agendi criminationibus, verberum tempestate, vulneribus inflictis est ultus; videant, velim, qui mecum non sentiunt, ne privatam Carini vitam innocentissimam, aut non tam *inprobam* certo faciant, ut ad primos nuntios, qui non Carinum, sed parentem virum probum & sapientem ad purpuram evectum fuisse refererebant, senatus populusque merito inhorrescere potuerit, nisi præter libidines illi ætati tum admodum communes contracta, dissoluta. que per turpissimum fidei datæ & sanctitatis contemptum novem conjugia, uxorū plerisque prægnantibus per summum nefas abjectis ad anteriora ea tempora rejiciantur. Historiam, qua parte Magnæ Vrbicæ iniqua videbatur, removi, a Vopiscī testimonio ita salvam illam præstiti, ut felicior Corydone ludis Romanis cum conjuge præfentem augustam intuear.

Ast monumenta vetant, eam Carini fuisse uxorem; Quæ illa? numus formæ maximæ perelegans ex museo Em. Cardinalis Albani, in cujus parte antica caput Vrbicæ, in postica Pudicitia sedens repræsentatur, adstante ad fellam Felicitate, ad pedes adstantibus dua-

- B

bus

bus icunculis, quæ sedentis genua parum admodum statura excedunt; tum numi alii in quibus filiorum capitibus etiam matrum vultus conjunguntur; Ordine rem persequar. Intulit ex icunculis in maximo illo numismate cælati jam seculi hujus anno IV. Cl. Genebrierius Carinum, & Numerianum, atque ex his facili consecutione Cari uxorem Urbicam fuisse.

Miror medicum ad Pudicitæ signum de liberis cogitavisse: scio, ex pudico thoro prolem meliorem, certiusque fere provenire, quam dum vagis adulteriis contaminatur, verum quis sibi persvadeat, monetarios tam longinqua circuitione matrem cum filiis designare voluisse? præter eorum morem ejusmodi sunt ænigmata. Ut omittam, nunquam augustas sub Pudicitæ specie exhibitas fuisse a monetæ sculptoribus.

Monumenta antiqua inter se comparanda sunt, ut ne aliquid ad scriptoris arbitrium ex iisdem exugatur: dearum signa adulatione Græcula adhibebantur, viles nimium inferiores videbantur Genii, ita leges: CERES. AVGVSTA., VENVS. AVGVSTA &c. contra ubi de Geniorum imaginibus res est AVG. adjectum AVGVSTAE legendum esse, numi passim conprobant, virtutem nempe eam in augusta, puta pietatem, liberalitatem, pudicitiam aut laudabant, aut optabant potius, qui pecuniæ feriundæ præfati erant. Cedo numum, cujus epigraphe sit: PVDICITIA. AVGVSTA. quæ sane in maximo, de quo agimus, numismate spatium sat amplum habuisset; unicum ex Mediobarbi postrema editione Etruscillæ numum proferes, sed is male ex Vaillantio, qui ibidem indicatur, est descriptus, nam & Parisina editio anni 1692., & Romana solum AVG. habent.

Probabilius aliquid concludisset Genebrierius, si cum *Fecunditatis* typo, & inscriptione sigilla hæc conjuncta vidisset, quanquam etiam eo in casu ex comparatis numis aliis, quod peritissimi hodie magistri exemplo facere soleo, grave mihi dubium semper hæreret, an de Carino & Numeriano pronunciari posset aliquid vel modica veri specie subfultum. Carinus tot iam annos natus erat, quot, si mores demis, confessione ipsius patris constantem in regenda provincia principem promittere poterant: Numerianus is fuerat sub aditum a Caro imperium, qui teste Vopisco pag. 301. *versu talis prædicatur, ut omnes poetas sui temporis viceris, nam & cum Olympio Nemefiano contendis &c. hujus oratio fertur ad senatum missa tantum habuisse eloquentia, ut illi statua non quasi cesari, sed quasi rhetori decerneretur in bibliotheca Vlpia, cui subscriptum: NVMERIANO. CAESARI. ORATOR. TEMPORIBVS. SVIS. POTENTISSIMO.* Carinus novem, ut mihi ostendisse videor, iam uxores duxerat, Numerianus probabilius iam Apri filix junctus, & hi tanquam pupuli in matris, atque inpucentissimi quidem Carinus in ipsius Pudicitæ gremio ludens, Numerianus statua ob eloquentiam honoratus ad infantis pene sesquipedalem icunculam redactus representari fuerint?

Quam alienum hoc sit ab monetariæ officinæ usu, numi Sept. Severi, Iulix Pix satis ostendunt, vultus nempe aut protomæ filiorum Caracallæ & Getæ parentum capitibus adjiciebantur, quemadmodum ipse Carinus cum Caro patre in numismate formæ maximæ inter præstantiora Vaillantii *T. III. pag. 220. edit. Rom.* comparet. Ast objicit ex Genebrierio aliquis ejus sectator, nequaquam id præter morem sculptorum monetariorum fuisse, satis liquere ex numis Trajani, & Commodi, qui publico in ære sub icunculæ specie pallio Jovis proteguntur; addi potuissent etiam alia M. Aurelii, & L. Veri numismata maxima, in quibus hi eadem statura, & situ czlati sunt. Nihil his ab

sententia dimoveor, deorum & de majorum quidem classe tutelæ cum imperatores, tum adultiores etiam filii commendati in numis exhibentur velut parvuli clientes, verum prodatur simile exemplum publica in moneta, dum de Genio, aut Virtute, ut vulgo loquimur, in deorum infimis subfelliis constituta, ut hic de Pudicitia, res est.

Ne quis ut sigilla Carini & Numeriani defendat, ad Otaciliæ Severæ numum inter quatuor maximos postremum, a Cl. Baldinio etiam celo depictum confugiat, de quo editor Romanus: *Figura muliebris velata sedens, d. velum extendit, f. scitionem transversum gestat, pone sellam Felicitas stans d. caduceum, f. cornu copie. Ante pedes puer, & puella.* Idem vir eruditus secundo loco alterum adnotavit, paullo diversum ex museo olim Carpineo cum epigraphæ TEMPORVM. FELICITAS, quem sic describit: *Otacilia velata sedens in throno, ad latera duo filii (liberi scribere volebat) mas & femina.* His inter se comparatis nescio, an virum clarissimum in ultimo numismate, quod primo loco hic commemoravi, poenituerit, aliquid de liberis Otaciliæ intulisse, contentum hic adnotavisse: *Ante pedes puer & puella.*

Monebam, ne quis huc se recipiat, nam in Otaciliæ filia, si non in ipso Philippo puero quam certissime adhærescet; nescio, quo infortunio antiquariorum aliqui in unum Zosimum inpegerint, ex quo generum Philippi, atque adeo Otaciliæ filiam se producturos existimabant, nihil enim hinc ad eorum causam commodi, ita ille *L. I. pag. 641. & seq.* *Ἐπει δὲ εἰς τὴν Πάριν ἀφίκετο - - - ὥσθ' ἔπειτα τὰς μεγίστας τῶν ἀρχῶν τοῖς ἰκεϊότατα πρὸς αὐτὸν ἔχουσιν παραβῆναι, καὶ Πρίσκον μὲν ἀδελφὸν ἕντα τῶν κατὰ Συρίαν πρεσβύτατο στρατιώτην, Σιθηνιάνην δὲ τῇ κηδεστῇ τὰς ἐν Μυσίᾳ (arbitror Μεισίᾳ rectius) καὶ Μακεδονίᾳ ἀννάμεις ἐπίστευε. Vbi Romam advenit - - - existimabat, eoque maxime futurum, si amplissimis munitis viros sibi arctiore necessitudine conjunctos præsciceret; itaque Prisco fra-*  
tri

*vi Syriacos exercitus tradidis, Masia, Macedoniaque copiis Severiano genero (ita quidem Leunclavius vertit.) non creditis.*

Qui Græce novit, nescire non potest, quam late pateat notio vocabuli τῆ κηλεῖς, adfinem designat, scio, peculiarius pro *genero* accipi, verum legi etiam oratione prima Demosthenis Εἰς Οὐλῆς contra Anetorem dicta, qui Aphobo sororem in matrimonium collocaverat, πρὸς Οὐλῆα - - κηλεῖς ὄντα αὐτῷ, quod nisi γυναικαδελφόν indicare non potest. Clarius idem docet Andocides *Orat. de myster.* pag. 7. edit. *Henrici Stephani*, ubi Charmidem loquentem inducens hæc habet: πρῶτον μὲν σεαυτὸν σῶσον - - - εἴτα δὲ τὸν κηλεῖς, ὃς ἔχει σὺ πῆν ἀδελφὴν, ἥπερ σὺ μὲν ἴσθις. *Primum te ipsum serva - - - , tum κηλεῖς, qui unicam tuam sororem conjugem habes.* Quis iam ob unius Zofimi locum, eumque vagum & ambiguum, aut ob solius Leunclavii nullo argumento firmatam, atque adeo arbitriariam interpretationem Otaciliæ Severæ filiam adfinget, dum probabilius multo ejus frater Severianus, quam maritus filiz haberi debet.

Verum sinamus hæc, fuerit gener Severianus, nemo tamen efficiet, filiam anonymam in numo Otaciliæ representari, non frustra superius Zofimi locum recitavi, nempe adjuncta perpendenda; generum interpres, κηλεῖς Zofimus dicit Severianum, dum Philippus Romam venisset, ergo Otaciliæ filia iam ante patris per Gordiani cædem partum imperium Severiano nuptui tradita fuit, alias enim probi historici fuisset monere, a Philippo iam augusto sibi hunc virum militiæ clarum per filiz nuptias conciliatum, aut ne hilum quidem de hoc consilio, aut de Severiani virtutis bellicæ laude etiam deinceps proditum legimus. Et hæc forsitan iam aliquot prolium mater ad Otaciliæ latus in numo signata fuerit, & quidem cum septenne fraterculo, si numus sub aditum imperium status est, ut molis magnificentia aliquibus persuadere posset?

Est autem certa (en novum neque de levissimis dubium) an tam certa in Otacilia numo puellae representatio? ut ipsum fundamentum subsodiamus, qui utrumque depictum numisma apud Cl. Baldinium intuitus fuerit, prima fronte pene jurabit, illum Urbicæ eadem in forma statum, eodem typario percussum fuisse, ita decussatus Felicitatis pes extremis utrinque digitis insillit, caduceus eodem modo elatus, Pudicitiae hasta ad eundem angulum inclinata, idem icuncularum gestus, eadem literarum per orbem in epigraphe dispositio, atque ita de aliis.

In paucis, quibus alter ab altero discrepat, ea omnia facile aut minori conservationi, ut pallium Pudicitiae non tantum in Magniae Urbicæ numo ad mediam sellam desluens, pes nudus Felicitatis: aut pictorum nimiae indulgentiae, qua in ductus sibi magis usitatos ab autographo abscedunt, tribui possunt, hanc licentiam necum nemo, qui plures ab iis numos pingi, caelare fecit, ignorare potest, atque in rem praesentem serviet idem Urbicæ numus a Bandurio *T. I. pag. 510.* iconis propositus; si hæc mea admodum probabilis suspicio obtineret, an non aut in utroque duos mares, aut puerum cum puella haberemus: atque tum, cui ita placeret, aut Carino soror, aut Philippo frater, nescio, quo operæ pretio, indagandus foret, conruereturque opinor, quid quid his sigillis pro arbitrio est superstructum.

Optarem sane, ut, quia ambo numi alter ex Carpineo, ex Albano alter iam in Vaticanum museum commigraverunt, ab erudito antiquario pictoriz etiam gnaro, qualis præ omnibus esset Cl. Winckelmannus, quem Virum Germaniae sinistro fato ereptum, ut summi facio, ita honoris causa nomino, optarem, inquam, ut adcurata comparatio institueretur, forsitan viri istiusmodi sententia conjectio mea conprobaretur. Verum sit etiam tale discrimen, quod eandem, ut ita loquar,

MARI-

matricem respuat, id sane nemo negabit, aut posteriorem Urbicæ ad prioris exemplum effictum, aut potius tam hunc, quam alterum Otaciliz in monetariam officinam traductum fuisse ex statua, & quidem, quia nunquam anteriore tempore cum hoc signorum adjectorum adparatu Pudicitia conparet, sub imperio Philippi publice dedicata.

Neque mihi difficile est, probabili conjectura id stabilire. Novimus quanta pudicitiz omnis profligatio, non in aula solum, sed in urbe fuerit vivo Elagabalo, legimus apud Lampridium pag. 212. in harum sordium perpurcationum iam incubuisse Alexandrum Severum, ita ille: *Balnea mixta Romæ exhiberi prohibuit, lenonum vestigal & meretricum, & exoletorum in sacrum ararium inferri vetuit - - - habuit in animo, ut exoletos vetaret, quod postea Philippus fecit.* Idem de Philippo disertis verbis adfirmat Aurelius Victor pag. 520. *usum virilis scortis removendum honestissime consultavit.* Quid pronius, præsertim post splendidissimos in Urbis millenario celebratos ludos, quam ut cives publico aliquo monumento, forsan iam sub Alexandro crepto, obstrictum suum animum imperatori testarentur, idque singulari aliquo modo, Felicitatis nempe signo adstituto, quod alias a Pudicitiz statuis abest: hanc enim stabiliata pudicitia non tam in privatas familias, sed rem publicam omnem redundaturam eo certius sperare poterant, quo tritius sub exoletis magistratibus convulsa gemuerat.

Quis iam dubitabit, ad hunc sexui suo maxime convenientem decorem suis adorationibus plurimum contribuisse Otaciliam angustam, quam Christianam hodie omnes habent? An proinde mirum, si a monetariis novissima hæc signa, ut eorum mos erat, in ejus numisma maximum, qualia fere in Indorum festis procudi solebant, inserta fuere? Sed quid de icunculis, de quibus maxime hic res est? adlitas has fuisse monumento incertum esse arbitror; si fuere tamen, novo argu-  
men-

mento confirmo Philippum filium designari non potuisse, ita Victor: *His aetlis filio Vrbi relicto - - adversus Decium profectus*. Nempe quem iam tertium in annum conlegam imperii, Vrbi praefecerat pater, eum deprecantis fere ritu ad Pudicitiae statuam finxerint scalptores. Ecquid praeterea commune habet puella, si tamen est, cum Magnia Urbica, quam ex Caro duorum filiorum matrem facere contendunt, qui diversa sentiunt?

Quis facile mentem artificum divinabit? haesitavit non parum in Sabinae, quae nullam Hadriano prolem peperit, statua ob puellum adiectum inlustrissimae memoriae Caylins. *T. I. pag. 181. Tab. 60.* Quem Oedypum habebit Getae numus aeneus ex museo suo a Medio-barbo ita descriptus *pag. 302. Figura muliebris stans 'd. bastam, s. clypeum ad pedes duo pueruli nudi?* Age & signum Polyclis explica, de quo Pausanias *Eliacorum L. post. c. 1. sub finem: ἡ δὲ εἰκὼν ἐστὶ τῆς χαλκῆς οἱ τῆς δεξιῆς τανίαν παρὰ τὴν αὐτῆς παύσας ὄντος τὸ μὲν προχρὸς κατέχου, τὸ δὲ αὐτῇ τῶν τανίων. Statua dextra manu taniam gerit: praeter illa puelli duo, quorum ille trochum tenet, hic taniam adpetit.* An de filiis Eliaci huius victoris inferemus illico? adiecisset, ut existimo accuratissimus Pausanias: *παύσας αὐτῶν*, nisi observavisset, non tam ad historiam, quam ornatum sigilla haec pertinuisse, qui pictorum, & id genus artificum novit ingenia cum Pausania sentiet.

Mihi sane in pupis seu Otaciliae, seu Urbicae numo insertis eadem somnia videre antiquarii aliqui videntur, qualia maiores nostri in numis Dyrrhachensis, & Apolloniatarum de hortis Alcinoi, in numis, quos *χελωνας* dicunt, de partita in quinque partes Peloponneso, in aliis de cortina Pythiae &c. docte somniaverunt. An non planius multo, si tamen puer, & puella in Otaciliae numismate representatur, quod ob grave, superius indicatum, dubium repeto, an non, inquam, placet?



planius explicaretur, pudicitiam ad utrumque sexum & quidem primis; pueritiæ annis hujus virtutis studio inbuendum pertinere? forsan a monetariis adjectæ sunt hæ icunculæ ad aream numi maximi complendam? id sane conficietur nullo negotio, si puer & puella in Urbicæ; mares, duo in Otaciliæ numo in scenam prodiverunt.

Ast togati sunt in priore numo; Harduinus in simili numo Urbicæ ex museo Croisati *Oper. Select. pag. 875.* de togato solum uno fateretur, alteram vero feminæ icunculam adserit, neque tamen de Numeriano, quem unicum Urbicæ filium statuit, minimam cogitationem admittit, cives ei sunt mas & femina, qui augustis gratulantur, atque eorum vigilantiam & curam extollunt, qua pudicitiam in urbibus tuebantur pulsis meretricibus.

Verum sint sigilla ambo togis virilibus vestita, cives Romanos cum Harduino præ filiis habeo potius, qui non tam pudicitiam restitutam gratulantur, quam statux pulcritudinem ita admirantur, ut simul ex ingenio seu scalptorum, seu monetariorum *angustiam* ejus (ita enim nominabantur statux, quæ non *isoperis* naturalem hominis mensuram excedebant) aut si placet colosseam altitudinem statura sua indicent, atque forsan ipsorum artificum sigilla sunt. Simile quid Plinius *Hist. Nat. L. XXXIV. C. 18. pag. 647. & seq.* refert in hæc verba: *Fecit & Sp. Carvilius Jovem, qui est in capitolio, victis Samnitibus sacra lege pugnans, e pectoralibus eorum, ocreisque & galeis, amplitudo tanta est, ut conspiciatur à Latiaro Jove. Reliquiis limæ (extremo artis opere & ramentis ex ære derasis) suam statuum fecit, quæ est ante pedes simulacri ejus.*

Otaciliæ & Urbicæ numos maximos satis diu in omnem partem discussi, tertium aliquod augustæ, quæ inter utramque interest,

C

at.

atque Otaciliam proxime consequitur, formæ item ejusdem numisma, ut monumenta cum monumentis magis etiam comparemus, adjicio; est illud inter maximi moduli numos apud Cl. Baldinium *T. III. pag. 194. edit. Rom. Vail.* ex museo Pisano depromptum, atque lineari utrobique pictura expressum Herennia, in ejus averſa parte eadem inſcripta epigraphe confidet rursus Pudicitia ſitu fere ſimili; verum abſunt liberorum auguſtaliū, ut aliquibus videtur, cum ipſa adſiſtente Felicitate ſigilla.

Si ex more tam ſtabili monetariorum fuit inde ab Otacilia ad Magniam Urbicam, ſeu ab anno V. C. 908. ad 1036. proles principum ita repræſentare, ut certum argumentum pro auguſtarum ſecunditate etiam hinc ducere non ſint veriti antiquarii, cur in conſequentē auguſta ab hoc diſceſſerunt Illviri? an non magis de filiis ſuis gloriari hæc mater hinc poterat, quam quæ demum cunque illa ſit, Cari uxor? an non majorem ſibi felicitatem ſperare poterat ab Etruſco Decio, & Hoſtiliano cæſaribus res publica, quam a Carino, ad cujus nomen, & e longi quo proſpectum imperium cum populo ſenatus inhorruit? Quis hic non videt, arbitrariam trium ſignorum in aliis duobus numis fuiſſe adjectionem, atque ejusdem momenti ſuperſtructuram his explicacionem? nempe ut in ejusdem templi repræſentatione iam hoc illudve ad ornatum pertinens omittebant monetarii, ita in exhibendis ſignis aliis ſe gerebant.

Denique ne aliquid omittam, quemadmodum in hoc numisma te ſedet ſola Pudicitia, ita in duobus Urbicæ rariffimis aureis muſei Cæſarei & de France a me in ſuplemento ad numismata præſtantiora Vaillantii proxime edendis ſine omni comitatu adest eadem diva, amboſ hos cum maximo illo ſtatos fuiſſe vix dubito, quia qui Pudicitiz ſignum ſeu in argento, ſeu in auro referret, a Cl. Bandurio nullus fuit

fuit proditus; arbitror, si sigilla illa augusti liberos indicarent, multo magis in auro eosdem tanquam æternitatem imperii portendentes fuisse publicatos, id sane iterum monumenta docent, si vel solos Severi, aut Domnæ numos quis perlustraverit, quæ enim ad familiam augustam propius pertinebant, nobilioribus in metallis percussâ invenies. Neque ad angustum areæ spatium confugere licet, ut enim de solis feminis loquar, habemus in Faustinae senioris numis *Puellas Faustianas* tam in auro, quam argento cum sigillis plurimis: in Junioris M. Aurelii conjugis *Fortunam muliebrem: Temporum Felic.* cum sex puellis: in Lucillæ monetis *Securitatem* cum tribus infantulis in denario argenteo: *Fecunditatem* cum palmite globo stellato, & quatuor pueris eodem in metallo.

Miror hic illum, qui Cl. Belley lucubrationem in compendium contraxit, forsan non ea, qua debebat, in retinenda autoris sententia adcuracione, quod tam religiose, quam adfirmate adserit pag. 156. *mais M. L'abbé Belley pense, que M. le Baron de Stosch n'a pas dû conclure d'après cette médaille, (nempe illum, quem præfixi, numum capitâ Carini & Vrbicæ referentem) que Magnia Vrbica étoit indubitablement la femme de Carin; Contra vero sine ulla hæsitacione vix visis icunculis illis, si placet, togatis, quæ quam firmo pede consistant, fusius disputavi, vix visis inquam illis pag. 158. decernit: Il est démontré par ce type, que Magnia Vrbica étoit la mere des deux jeunes hommes &c.* Hactenus sane plus conjunctis capitibus tribuimus, atque certior historica, aut numaria demonstratio eo ex loco petebatur, quam ab incertis omnino sigillis, verum de hoc inferius redibit sermo.

Et a Vopisci testimonio, & a numi maximi monumento antiquo, quæ ambo obstatere videbantur plurimum, liberavi Vrbicam, poterat igitur esse Carini uxor; illud adhuc remorari posset, fuisse

eam probabilius matrem, quia hæ etiam cum filiorum capitibus in pecunia publica conjunguntur. Omitto huic argumento, quod superioribus potissimum nititur, iam nervos majore ex parte incisos esse, quod si etiam non foret, tam parum me hoc ferit, ut summa confidentia stilum convertam: non poterat, ajo, Urbica esse Carini mater, ergo uxorem eam fuisse est necesse.

Telam ordior: Infolens est Cari & Carini ævo matres cum filiis in moneta conjunctas intueri, inde a, Mamæa nullum ejuscemodi bicipitem numum quis proferet; fateor quidem etiam inde ab Severina, quod quidem temporis intervallum, si cum alio comparatur, est permodicum, nullam conjugem eodem in ære cum augusto marito comparuisse, id solum quæro in hujusmodi controversia, cujusmodi præmanibus habemus, quid omisis aliis *negligentes*, de quibus inferius minutim agetur, spectato solo monetariorum, aut principum more veri sit similis, Urbicam matrem, an conjugem fuisse Carini. Sex matres filiis junctas, nempe Liviam cum Tiberio, Agrippinam utramque cum Caio & Nerone, cum Caracalla, & Geta Domnam, Soemiadem cum Elagabalo, denique cum Alexandro Mamæam recensuit Cl. Academicus, producturus ut existimo plures, si quæ forent aliæ, cum nec ab fororibus, nec ab filiabus abstinuerit.

Sex his undeviginti matronas, omissa etiam ob quorundam de sinceritate numi dubitationem Donata, quam Chifletius ob eandem rationem, quod capitibus Postumorum in averfa adjuncta est, Postumi thalamo intulit, obpono suis conjugibus etiam in metallo sociatas, scilicet: Messalinas duas, Octaviam, Poppæam, Domitillam, in numo consecrationis, Domitiam, Sabinam, Faustinas duas Antoninorum, Crispinam, Juliam Piam, Plautillam, Paulam, Aquiliam,  
Or-

Orbianam, Tranquillinam, Otaciliam, Etruscillam, Severinam has inquam, gynæceum profecto insigne, quia duplo majus, obpono.

Veniat iam, fingamus, in manus numus exempli causa Druantillæ, quæ in hanc diem, augusta quidem certa, conjuge tamen certo caret, veniat, inquam in manus rarum istiusmodi cimelium cum capite augusti (quo in numismate C. Arioſti inluſtris memoriæ, a me proxime edendo caret) alicujus ex tyrannis puta Macriani junioris, aut alterius, de cujus uxore, aut matre nos hiſtorici deſtituunt, cedo quæ conſecutio obtinebit potius, an hæc: Druantillam matrem eſſe Macriani, quia ſex matres aliæ, neque plures cum filiorum capitibus in moneta repræſentantur? an hæc magis: undeviginti certæ uxores ſe cum mariti effigie cælata in numis minime dubiis ſiſtunt, igitur Druantilla etiam Macriani, cui conjungitur, conjux erit habenda?

Dum de matribus res eſt, ætas, quæ ex vultus ductibus conſicitur, negligenda eſt minime, videndum nempe, an filiis ſeu hiſtoria, ſeu numis ſpectatis congruat; quia maximorum illorum nullum ad manum habeo, teſtem produco, qui numum Croiſati Pariſiis vidit, Harduinum, cujus hiſtoriæ auguſtæ ſuſdeque verſæ etſi nihil tribuendum cenſemus, oculos tamen antiquis numis adſuetos eidem erui non patiar, ita ille *Oper. Select. pag. 875. Magnia Urbica in ſuis omnibus numiſmatis ætatem reſert, qua poſſit Numeriani quidem mater cenſeri, non Carini, quo annis plus decem junior eſt.* Idem fere (de annis, quibus junior eſſet, loquor) conprobat Stoschianus numuſus, quem, ut ejus poſſeſſor ſeruditæ memoriæ erat adcuratiſſimus, ad omnes apices æri inſcalptum dubitare non poſſum, cum præterea adeo ipſius numiſmatiſ elegantiam ſua in epiſtola ad Vos Socii Clariſſimi data deprædicaverit. Fuerint, non ambigo, Academiæ noſtræ aliqui, qui, dum Florentiæ agerent, rariſſimum numum ipſum oculis, & manibus tra-

Etaverunt, ad hos libenter provoco, quia cum Harduino, & mecum fere consentient.

Quid quod certus pene sum, Harduinum ipsum, qui difficulter admodum ab sua sententia decessit, ut satis docet conflictus ille de numo Caesarex τῆς πρὸς τῆς αὐτοῦ ἀντιπαραστάσεως, de quo vide *Mém. de l'acad. de bel. let. Tom. XXVI.*, Harduinum, inquam ipsum viso hoc singulari Stofchiano cimelio genealogiam suam, in secundo nimis insolentium conjectionum ingenio temere proculam, ita mutaturum, ut conjugem etiam præ matre Carini Vrbicam foret agnitus. An enim novercam suo capiti conjungi (ut nihil dicam, in omni, qua patet, re numaria sine exemplo id esse) passus fuisset Carinus? Nec de matre quidem id admittere quis ausit, ne præter opinionem in conscelerata omni vita eam viguisse pietatem fateri cogatur, quam pauci adeo imperatores suis matribus impenderunt: tum ne vivam sub aditum a Caro, minus etiam a Carino imperium præstare debeat.

Altum sane historicorum, qui nobis supersunt, omnium silentium contrarium potius persuadet, & Vopisci quidem, cujus tamen de Carino habemus plura, Vopisci, inquam, silentium, si quid video, demonstrat, Carini matrem ante septembrem anni V. C. 1035. mortuam fuisse; ipsum audiamus pag. 303. de Carino loquentem: *hic*, ait, *ubi patrem fulmine absumitum, fratrem a socero interemptum - - - conperit; majora vitia & scelera edidit, quasi iam liber a frenis domesticæ pietatis suorum mortibus* (ut pro moribus Salmasio, & Grutero consentientibus bene emendavit Casaubonus) *absolutus*. Cedo, quæ commodior scriptori se dare potuisset occasio, aliquid de matre, quæ, ut quibusdam placuit, a pudicitia etiam in numis maximis laudabatur plurimum, suis commentariis inferendi? arbitror, majus frenum suæ licentiæ ac hac superflite, & angusta Carino inminuisse, quam a fratre natu minore,

&

& ætate quidem adeo inferiore, ut eidem provinciæ ipsius parentis sententia necdum Romano more concedi potuerint, aut Vopiscus frena *domesticæ pietatis fucrum* unice ad patrem, & juniorem fratrem, velut mater pridem memoria excidisset, restringit, quod profecto summæ negligentia scriptorem eum argueret, qui quidquid ad infamiam Carini facere poterat, ad posteros transmittere in animo constituit.

Velim, ut hic Vopisci locus, quemadmodum a me est expensus, cum altero superiore ejusdem autoris de novem repudiatis uxoribus libero a præjudiciis animo & æqua lance libretur, deprehendatur profecto, certiorum multo Vrbicæ, si mater fuit, fuisse mortem non solum ante Carini subcessionem, sed ipsius etiam Cari electionem, quam vacuum Carini thalamum ejusmodi conjuge, cui in publica moneta augustæ titulus fuisset adjectus.

Sed quid tum, inquiet aliquis, viva seu mortua fuerit, parum id ad præsentem controversiam facit, an non mortuis etiam matribus cusi a filiis numi? ajo id quoque, verum proferatur numus aliquis inde a Marciana, satis longum temporis intervallum indulgeo, proferatur numus, in quo cum augustæ vultu, quæ e vivis excesserat, in averfa filii, nepotis, vel etiam conjugis superstitum caput fuisset unquam sociatum; perlustrentur numismata Juliæ Domnæ, quæ toties, dum viveret, cum filiis in ære comparuit, Mææ, Paulinæ, Marinianæ post mortem earundem statæ monetæ inspiciantur, pro Elagabali, Maximi, Gallieni vultibus pavo, aut simile consecrationis monumentum reperietur in omnibus.

En ut deducta ex Vopisci narratione matris Carini, quæcunque illa fuerit, ante aditum a Caro imperium mors adfectionem illam meam stabilivit, qua stilo converfo Vrbicam matrem Carini esse potuif-

fuisse negavi, en ut ex monumentis & pluribus, & monetariorum constante usu, velut ex insidiis Magnia Carini uxor conprobetur. Conparentur argumenta. Matrem Carini Vrbicam vult Cl. Belleyus, cum quia ex Vopisco uxorem eam fuisse non est probabile, tum quia plures matres cum filiis (quos in icunculis numi maximi etiam videre sibi visus est) in monumentis, nempe in numis, junctæ passim in museis adservantur.

Ego Magniam Carini uxorem volo, cum quia ex Vopisco non est probabile, ejus matrem vixisse, dum Carus purpuram induit, tum quia ex monumentis scilicet numis Juliae Domnae, Mæsa, Paulinae, Marinianae constat, numquam viventium filiorum capita inde a Marciana capitibus mortuarum matrum a Illviris monetilibus conjuncta fuisse; denique, ut ad summos apices omnia respondeant, ut Cl. Academico sigilla illa filios, hi vero matrem demonstraverunt, ita mihi omissus in numo Stofchiano DIVAE titulus matronam eam, & admodum juvenem quidem, non mortuam, vita vero illius uxorem ejus, qui in antica cælatus est, quam certissimo persuader,

Injeceram superius pag. II. mentionem numi maximi a Cl. Baldinio. *Tom. III. pag. 220.* relati, atque lineari pictura etiam representati, in quo protomes Cari, & Carini cum hac epigraphe comparent: IMP. CARO. AVG. ET CARINO N. CAES.; huic majore longe jure adscriptio illa convenit, quam Cl. Belley alteri ejusdem molis cum capite Vrbicæ, & typo Pudicitiae in hæc verba adscribit: *Le Medaillon (d'Albani) fut probablement frappé peu après l'avènement de Carus à l'empire.*

Quæro hic primum, cur non etiam alter B. de Stofch cum capitibus Carini & Vrbicæ, qui etsi mole inferior, elegantia tamen alteri est subpar (cum ejusmodi singularium numorum largitiones im-

pe-



perii initium fere condecoraverint) eodem tempore flatus cenferi possit? Respondet historiae academicæ scriptor *pag. 159. La médaille de M. le Baron de Stosch ne parait avoir été frappée, qu'après la mort de cet* (Carus) *empereur.* Sed cur id ita videtur? arbitror icunculas illas cum barbato Carini capite, matris tamen in utroque numo juvenili eodem non satis consensisse, noluisseque Criticum Parisinum, hinc in alias se syrtes abripi; verum de hoc inferius.

Quæro iterum lujus numi oblata obcasione, an monetarii non majorem gratiam se conlecturos sperare poterant, si exemplo superiorum imperatorum Cari uxorem, Carini & Numeriani matrem cum recens electi imperatoris capite eadem in numi area sociavissent, quam dum improbi filii os in pudicum, quem teste Vopisco suum esse negabat, cui exautorato Constantinum subrogare volebat, venerando parentis capiti objecerunt, quia certus sum, nequaquam id patris jussione, minus adulantis populi Romani, qui tum necdum se ex horrore primorum nuntiorum receperat, voluntate id factum fuisse? quid aliud consequitur, quam matrem privatam supremum diem obivisse, atque propterea necessitate aliqua Illviros ad hoc adaptos fuisse?

Quia scio obponi posse, necdum omnes numos e terra erutos, diu admodum Stoschianum latuisse, fore, ut aliquando (de quo quidem omnes desperare jubeo) fore, ut etiam Carus se cum Vrbica sistat, observationi huic, quam tamen omnino prætermittendam non existimavi, diutius non inhæreo, sed eo inopportunius DIVAE titulum, cujus paullo ante obiter memini, in numo Stoschiano exigo ab iis, qui Magniam Vrbicam Carini matrem volunt. Monumentis rursus contentionem instruo: inde a Marciana numus augustæ post ejus mortem cusus exhibeatur, qui non hoc *av: θεουρας* signum præferat, unicum Mæxæ ex Patini indice *pag. 419.* nullo indicato museo in amplissima,

D

quam

quam habemus, Mediobarbi confectione inveni, qui parum obficir, cum quia in averſa certum conſecrationis & typum, & epigraphen habet, tum quia argumentum multo certius concludit, quam illud, quo Cl. Academicus matrem eam oſtendere adlaborat.

Conferantur iterum, ita ille *'pag. 157'*: *On voit ſur les medailles les têtes de pluſieurs (ſex nempe, quas alibi enumeravi) imperatrices au revers des têtes des empereurs leurs fils - - - On vient de montrer, que cette impératrice n'étoit point l'épouſe de Carin, - - - Il réſulte du temoignage combiné des medailles, & des hiſtoriens, que Magnia Urbica étoit Auguſte ſous le règne de Carus, l'épouſe de ce Prince, & la mère de Carin; meum ita inſtruitur: in numis omnium auguſtarum inde a Marciana mortuarum præter illum Patini, qui tamen certam conſecrationis notam habet, adest titulus DIVAE, igitur, cum hic abſit in numo Stoſchiano, Urbica eo in numiſmatio Carino conjuncta, quam paullo ſuperius regno Cari ſuperſtitem non fuiſſe oſtendi, ex teſtimonio tam numorum, quam hiſtoricorum, nequaquam Carini mater eſſe poterat, ſed uxor eſſe debebat.*

Ad Cari annos hic ſolum reſtrinxī Urbicæ vitam, ſi mater Carini fuiſſet, verum, ut alibi indicavi, nec maritum ſuum, ſi Cari ſuit uxor, auguſtum vidit. Cari numos tam Græcos, quam Latinos habemus, qui eum diviſ inſertum conprobant, nullum, qui idem conteſtetur, Urbicæ; facilius, exiſtimo, inpius filius, quorum mos eſt in patrum annos inquirere, eum honorem indoluiſſet matri, quem parenti ſuis vitiis admodum iniquo exhibuit, quam ut ejus vivæ vultum, tanquam *frenum domeſticæ pietatis ſuorum* eo moleſtius, quo jam ætate profecta fuerat, qualis eſſe debebat, ſi cum capite Carini barbato in numo maximo, vivo etiamnum patre cuſo conſertur, quam, inquam, ut ejus vivæ vultum ſuo capiti in moneta conjungi eſſet paſſus.

Gra-

Gravius iam aliquid, quia longo monumentorum ordine sub-  
sultum, in arenam produco, adnotationibus quibusdam præmissis. Ne-  
mo facile Vrbicam ex augusta familia, priusquam Caro nuberet, fuisse  
adferet, ne Harduinus quidem id cogitavit, etsi duas Aurelias inde a  
Commodo in suo stemmate\* genealogico historię augustę hic inserto  
derivet; ut de Cari patria non conveniunt scriptores, quorum alii Illyri-  
cis parentibus, Poenis alii natum, hi Mediolanensem, illi Romanum  
faciunt, ita liquet ex Vopisco eum *per civiles, & militares gradus* ad  
prætorii præfecturam sub Probo pervenisse; an, si etiam vestigium  
deprehenderetur, augusto ex sanguine ortam Vrbicam, viro probo qui-  
dem, sed promeritis suę fortunę fabro conlocata fuisset?

Sed quorsum hæc, inquit aliquis? consularium etiam filiarum  
nuptias non refugiebant augusti, ita quidem; velim paullisper suspen-  
datur animus, & quo, quæ præstruxi, exitura sint, manibus tenebimus.  
Ex augusta familia, repeto, Vrbica non fuerat, mortuam eam non  
fuisse sub Cari perbrevis imperio ob defectum numorum, qui de conse-  
cratione testarentur, ex Vopisci loco ipsi Caro præmortuam conseci,  
igitur matrona, quæ in Stoschiano numo representatur Carini mater  
esse non poterat. Ecce? Inde ab Augusto ad hæc, de quibus agimus,  
tempora nulli mortuæ, nisi vixisset, dum filius ad imperium pervenit,  
aut alioquin in augusta familia fuisset, a filio unquam numus cusus fuit,  
adeoque nec cum ejus capite. Mos hic monetariarum officinarum tam  
constans legis antiquarię, si non publicę, profecto vim habere cen-  
sendus est: igitur augusta, quæ Carino in moneta conjungitur, ejus ma-  
ter esse non poserat, quare uxor esse debebat.

Satis iam de Carini matre nequaquam tum superstitæ, cum Sto-  
schii numum serierunt monetarii, disputavi, liberalis iam ero, contra  
meam mentem eidem, quocumque fuerit nomine, sub ipso filii imperio

vitam produco, neque tamen hac via aliquid, quod Parisinam crifim tuèretur, obtinebitur. Vivis matribus non solum filiorum permiffu, aut juffu monetæ flatæ sunt, fed in his etiam filiorum capita conjuncta, quid igitur prohibet, Urbicam Carini matrem in Stofchiano numulo agnofcere? Permulta, & ea quidem gravis momenti, quia hiftoria iterum cum antiquis monumentis contenditur; ex iis, quas Cl. Belleynus produxit, & producere in medium poterat matribus, generalem rurfus pofitionem conftituo: Nulli matri vivæ ab filiis auguftis percuffi funt numi, qui ambas effigies repræfentabant, præterquam iis, quæ aut fe in imperii negotia ingefférant, aut filios, quos ad imperium provexerant, obftrictos habebant; ut adfertum hoc luculenter confirmem, expuncta ex Cl. Academici fexiga Severi uxore Domna, cujus numi cum Caracallæ, & Getæ Cæfis, capitibus vivo Severo patre flati funt, reliquas ordine persequar.

De Livia ita Dio *L. LVI. pag. 688. edit. Steph.* Προέθηκα δὲ ἐν τῇ Λιβίας ὄνομα, ὅτι καὶ αὐτὴ τῶν πραγμάτων ὡς καὶ αὐτάρχουσα ἀντεπιστεῖτο. *Livia nomen addidi, quod ipsa etiam quasi imperatrix rebus imperii se ingeffit.* Pluribus de eadem *L. LVII. pag. 699. αἱ ἐπιστολαὶ αἱ τῷ Τιβερίῳ καὶ ἐν ἐκείνῃς ὄνομα χρίνου τινα ἔχον, καὶ ὑγράφετο ἀμφοῖν ὁμοίως. Epistolis Tiberii nomen matris aliquamdiu adjectum fuit, literæque ad Tiberium datæ etiam Livie infcribebantur.* Si nomina in epistolis ad publica negotia pertinentibus conjuncta, quid mirum, si etiam ipsi vultus in numis sociati fuerunt? Prosequitur post aliqua Dio: Τὸν Τιβερίον αὐτῇ αὐτοκράτορα πεποικηνῆναι ἔλεγε· καὶ ἀλλὰ τὰτο ἔχ' ὅσον ἐξ ἴσου οἱ ἀρχεῖν, ἀλλὰ καὶ περιβέβηκεν αὐτῷ ἰσοδυν. *Ipsa se Tiberio imperium dedisse ferebat: ideoque non æquata modo potestate cum eo regere, sed priores ipso partes gerere volebat.*

Dubitari fere posset, an non Liviae mandato numi illi bicipites flati fuerint, arrogantia sane Cleopatrae illi trium Syriae regum uxori nihil concedebat, ut mirum sit, non ad huius exemplum simili jugatorum vultuum typo Liviam cum filio nos spectare, quemadmodum Antiochi Grypi capiti & nomini Cleopatrae caput & nomen praepositum in numis intuemur. An quid ejusmodi de Urbica, si mater fuisset, vel suspicari licet, an id Carus vir integerrimus & antiquorum morum, an Carinus tulisset, an non ad primos nuntios de Carie electione ob arrogantiam huius feminae, quemadmodum ob improbitatem filii senatum populumque inhorruisse etiam commemoravisset Vo-  
piscus?

Ad Cajum venio, quem quidem omittere forsitan possem, quod numi cum ejus & Agrippinae capite post matris mortem signati sunt, quia tamen Cl. Academicus etiam hunc ad vivam Carini matrem in numo Stoschiano conprobendam protulit, etiam hic locum habere debet. Quantum is matri detulerit, docet nos Suetonius in *Cajo* c. 15. *Confestim*, scribit, *Pandateriam & Pontias ad transferendos matris fratrisque cineres festinavis tempestate turbida, quo magis pietas emineret, adiitque venerabundus, ac per semet in urnas condidit; nec minore scena ostiam praefixo in biremis puppe vexillo, & inde Romam Tiberi subvelos per splendidissimum quemque equestris ordinis medio ac frequente die duobus ferculis mausoleo intulit, inferiasque bis annua religione publice instituit: & eo amplius matri circenses, carpentumque, quo in pompa traduceretur.*

Agrippinam Neronis matrem belle nobis depingit *Dio L. LX.* pag. 789. ὅς δ' ἀπὸς ἐν τῇ βασιλείᾳ ἡ Ἀγrippίνα ἐγένετο, τότε Κλαύδιον ἰσχυροτέρως δουρατὴν πρὸς τὰ πράγματα χρῆσθαι, καὶ τοὺς τοιαύτους εὐνοίας ἔχοντας τὰ μὲν φίλους, τὰ δὲ ἐνεργεσίαις φθείρωσαν, τότε ἦν εἰσποιησθαι τὸν

Κλαύδιον ἀνατίεσθαι, καὶ τοὺς πᾶσι δῆλον ἔχοντα, ἐς τὸ κράτος ἐξήκει, καὶ παρὰ τῇ Σενίᾳ ἐκπαίδευσ, πλεονεξία ἀμύθητον αὐτῇ συνίδεσθαι, κ. τ. λ. *Agrippina ubi primum in palatium venit, mulier traflandis negotiis aptissima, Claudium statim sui juris effecit, quique ejus benevolentia utebantur, alios metu, alios beneficiis sibi devinxit, Claudio, quamquam ipse liberos haberet, ut filium suum adoptaret, persuasit, eumque ad gerendum imperium instruxit sub praeceptore Seneca, contrasique ei divitias, quae explicari non poterant.*

Et post pauca: *H δὲ Αἰγριππίνα καὶ Δημοσίῳ Ἰουδαίῳ αὐτῇ, καὶ χρηματίζοντι, καὶ πρεσβύτῳ ἀνταρμένη παρῇ ἐπὶ βῆματος ἰδίᾳ καθήμεν.* *Agrippina publice quoque per sepe de re publica respondentii, aut legatos audienti Claudio adfuit, proprio in tribunali confidens.* Vidimus Agrippinam suis artibus ad rei publicae gubernacula penetravisse, vidimus ab ea Neroni viam ad thronum strata, quae sub marito ad sexus sui probum dominabatur, modestior forsitan fuerit sub filii imperio? nullam hic pro purpura gratiam retulerit? dubium omne eximit Suetonius in Nerone c. 9. *Matri summam omnium rerum publicarum, privatarumque permisit.*

Pro Mafsa Elagabali avia complura istiusmodi ex historicis subpetunt. Herodianus L. V. pag. 114. edit. Steph. ἦσαν δὲ τινὲς ἐξ αὐτῶν καὶ πρόσφυγες οἰκιστὰς τῆς Μαισῆς, πρὸς ὧς ἐκεῖνη θαυμάζοντας τοὺς παῖδας (εἴτε πλακαμένη ἢ τε καὶ ἀλχηύουσα) ἐξῆπεν, οἳ ἄρα Ἀντωνίνῳ ἡδὲ ἔστι τῇ φύσει. *Erant autem ex iis (militibus) nonnulli Roma profugi Mafsa familiares: quibus illa formam pueri admirantibus (incertum mentita, an verum professa) filium utique esse ait Antonini.* Hoc mendacio ad regnum evectum narrat etiam Capitolinus in Macrino pag. 193.: *His (militibus) Mafsa sive Varia dixit, Bassianum filium esse Antonini, quod* paul.

*paullatim omnibus militibus innotuit. Erat præterea Mæsa ipsa dissimulata - - - qua promittente legiones abductæ sunt a Macrino.*

Quem se erga aviam, matremque Soemiam gesserit Elagabalus iam imperator, descripsit Lampridius pag. 198. Atque de illa quidem: *Vbi primum diem senatus habuit, aviam suam* (ita enim ex posteriore aliquo loco restituendum videtur) *in senatum rogari iussit, quam quum venisset, vocata ad consulum subsellia scribendo adfuit, id est senatus consulti conscribendi seßis; solusque omnium imperatorum fuit, sub quo mulier quasi clarissima loco viri senatum ingressa est.* De matre ibidem paullo superius: *Hic tantum Semiamiriæ (Soemiadi) matri deditus fuit, ut sine illius voluntate nihil in republica faceret.* Post pauca ludicrum illum senatum ab Elagabalo institutum, cui Soemias præsidebat, cum muliebribus senatus consultis, subijcit.

Alexander cum Mamæa supersunt; omitto, quo studio filium ad imperium formaverit, atque ab Elagabali insidiis protexerit, de hujus ambitione, & obsequente animo imperatoris ita Herodianus L. VI. pag. 128. postquam præmisisset, uxorem filio a matre datam, ab eadem, patre ejus etiam occiso, in Africam relegatam, causa addita: *Βασιλισσα εἶναι θέλουσα μίση, φθονῶσα τε τῆς προηγούσης ἐκείνη. cum ipsa tantum nominari angusta vellet, eumque titulum puella invideret;* subjungit: *ἤρχε γὰρ αὐτῇ (τῷ Ἀλεξάνδρῳ) καὶ ὑπερβαλλόντως ἡ μήτηρ, καὶ πᾶν τὸ κλεινομένον ἐκείνος ἐποίησε, Mater illi (Alexandro) supra modum imperitabat, ac dicto audientem semper habebat.*

Quia nihil simile de Urbica usquam adnotatum legimus, quia de matre Carini, cujus ipsum nomen ignoramus, nec ex *περίανσει* quidem cum aditi, vel gesti seu a Caro, seu a Carino imperii, tum ingenii tam patris, quam filii fingi potest, liquet, argumentum Cl. Belleyi

ex

ex quinque matronarum numis instructum, si etiam vivam eam sub Carini imperio prestamus, tam parum efficere, ut matrem illam habeamus, quæ in Stofchiano numismatio Carino est conjuncta, quam locus Vopisci cum numo maximo evicerit, ut conjugem negemus, atque adeo universam illam historicorum & monumentorum comparationem, quam ad speciem splendidam, tam frustra productam fuisse.

Ut hæcenus historicorum plurium testimonio de monumentis in sinistram partem contortis me triumphasse existimo, ita iam numorum simplice autoritate contra unum historicum agam; ut superius pro mortua DIVAE titulum, ita, si vixisset etiam, *MATRIS* nomen in Stofchiana moneta saltem prima syllaba indicatum exigo, quod cum eo in cimelio, quod post mortem Cari ex conjectione Cl. Academici statum fuisset, desit, matrem eam esse potuisse iterum nego, atque per necessariam consecutionem uxorem esse debuisse stabilio.

Sex matres Cl. Belley produxit, quarum vultus filiorum capitibus sunt juncti, septem sisto, in quarum numis etiam post mortem cufis, etiam cum filiorum capite cælatis, quem requiro titulus adest, ita in Agrippinæ Germanici monetis leges: *Mat. C. Caf.*, in Agrippinæ Claudii capite Neronis in postica parte adjecto: *Mater Augusti*, in æneis Domitillæ numis apud Mediobarbum: *Matri T. Caf. Vesp. Aug.*, in altero: *Matri Caf. Domit. Aug.*, in Domitillæ aureo: *Divi Caesaris mater.*, in numis Juliæ Domnæ: *Mat. Augg.*, *Mater Aug.* in sex numismatibus maximis Mamææ apud Vaillantium conparet.

Iconculæ illæ, ita iam arguo, si in numo maximo Urbiorum iam Vaticano abfuissent, nemo illam Carini matrem agnovisset unquam, hic sane Cl. Genebrierio, etiam sine conjectura ex Vopisci loco, ad hoc affirmandum ita satisfaciebat, ut etiam eruditum Bandurium in  
suas



suas partes pertraxerit, nemo inquam his sine eam matrem agnovisset unquam: multo minus igitur mater habenda est Carini capiti, quod bene expendendum, iocata ex numo Stoschiano, quia in aliarum septem matrum monetis titulum hunc magno studio, & constanti usu adscriptum legimus, ubi contra sigilla illa vagæ interpretationis in duabus solum conspeximus.

Erit, qui obmoveat, Soemias Elagabalo filio conjuncta in numo unico apud Vaillantium (cujus tamen similis in museo Cæsareo Vindobonensi conditur) nihil præter *Aug.* legendum objicit. Nempe numi duo, forsan ex eadem forma flati, numis plurimis omnis magnitudinis, & metalli septem aliarum matrum obficient quidquam, dum ex more monetariorum, ex monumentorum autoritate decidendum est aliquid? ego sane, nisi historici nos aliud de augusta hac pellice docerent, lege aliqua ex observationibus facta, atque inferius majore in lucem ponenda Soemiadem conjugem existimarem potius. Verum senilis vultus obstat, omiserint ideo monetarii titulum matris, quæ se satis ipsis rugis proderet cum tribus Elagabali uxoris conlata; si ea fuit adtentio monetariorum, citra dubium quam maxime titulum matris adjicere debuissent Illviri numo Stoschiano, vultus enim juvenilis Vrbicæ potius pro conjugē ejus pronunciat, quem Harduinus decem annis seniore ex ipsa in numis signata utriusque effigie existimavit.

Profecto de numi cujus demum cunque, qui ita ab usu in officinis recepto discedit, sinceritate suspicio cauto antiquario in mentem merito veniret, an non a falsario ejus temporis, aut ut mitius quid cogitemus, errore monetariorum ex duabus anticis partibus sit compositus, quid si, ut stolidus erat Elagabalus, repentino mandato matris vultum suo capiti in pecunia conjungi jussisset, atque monetarii, ut moræ impatienti principi obsequerentur, ex pluribus, quæ ad manus

E

erant

erant, Soemiadis typariis adripiissent aliquod? An si Caracallæ filius spurius ex Soemiade fuit Elagabalus, aut si Mæxi (ut aliquibus videtur) mendacium deprehensum erat, Romanos pudere non poterat, aut nothi, aut subditii matris nomen in moneta signare? hæc & hujusmodi alia prius in mentem admittam, quam ut persuadeam, ab sua regula adeo abivisse Illviros denariorum flandorum, cui tamen in sororis Mæxiæ numis mox iterum tam sancte insisterunt.

Placet hoc magis ad vivum refecare; in antiquaria nostra re publica observatu res digna est admodum, qua ratione monetarii uxores augustorum in numis designaverint, quo modo caverint, ne quis a nobilissimæ feminae vultu in moneta signato deceptus, eam imperatoris thalamo inferret illico, nusquam quidem *Uxoris* aut *Conjugis* (id quod minime negligendum, quia *Matres*, *Sorores*, *Filias* characteribus indicatas novimus) vocabulum leges, *Augusta* titulus eam definiebat, quia tamen hic aliis etiam, quæ augustos sanguine contingebant, delatus erat, primum summo studio intenti fuerant, ut has adjectis, quæ erroris periculum removerent, certis indiciis distinguerent.

Ita in numo Drusillæ legimus: *Soror C.*, in Julia: *Titi. F.*, in Marcianæ: *Soror. Imp. Trajani*, in Matidæ: *Divæ Marcianæ F.*, omisi hic matres, de quibus satis superius; neque hac contenti præcautione primis duobus seculis titulo *Aug.* etiam mariti nomen adjuugebatur; unde Græcus Poppææ adjectum habet: *Νεπύως. Σεβαστῆς*, Octaviæ in numo Coloniz Corinthi: *Neronis Aug. Domitiæ: Imp. Domit.* Plotinæ: *Imp. Trajani.*, Sabinæ: *Hadriani Aug.* Faustinae majoris: *Antonini Pii.*, Crispinæ: *Imp. Commodi.*

Ufu ita confirmato, satis illis videbatur discriminis solum *Aug.* nomini adscribere, præsertim ubi capita juncta erant; adtamen  
etiam

etiam posterioribus his temporibus duo exempla inveni, quæ luculenter docent, Illi viros nulli in distinctione conjugum per solum AVG. operæ pepercisse. Est in Vaillantii editione Romana *Tab. III. pag. 176.* numus Alexandri Severi maximus cum capite Mamææ adverso, etiam lineari pictura representatus, in hoc, etsi inscriptio fere totum orbem conplet, *Mater Aug.* minoribus characteribus in segmento infimo cælatum est, eccur hoc? nisi ut ne quis Romanis historicis destitutus (ut sumus de matre & uxore Carini) unquam augustam imperatori in eadem numismatis arca objectam, conjugem habeat.

Præstantius est alterum: adnotatur in museo Thenpoli *T. II. pag. 804.* numisma item maximum cum adversis capitibus Alexandri, & Orbianæ ita inscriptum: IMP. SEV. ALEXANDER. AVG. SAL. BARBIA. ORBIANA AVG., in averfa parte conparet caput Mamææ; arbitror satis quemque existimare potuisse, Alexandrum probum principem nequaquam duas eodem tempore uxores habuisse, aut pellicem cum conjugē in numo missili representari voluisse, verum harum eam, quæ in postica se objicit, matrem fuisse, non tamen id satis erat monetariis, non in eo adquiescebant, ut eam partem solum inscriberent: IVLIA. MAMAEA. AVG., adjiciendum censuerunt: MAT. AVGVSTI., ut scilicet suum conjuges per solum AVG. distinguendi morem magis omnibus confirmarent.

Ex tam constante more uxores augustorum designandi communis antiquariorum fluxit regula, quam conceptis Vaillantii verbis subijcio, ita ille *T. II. pag. 237.* ad numum Juliæ Piæ, cui in averfa Severi caput est conjunctum: *Effigies augustæ in augusti numis exarata eorum concordiam præsertim denotat, & ii apud antiquarios magna sunt æstimationis, non modo ab eorum raritatem, sed quod eos doceant, conjuges esse, ut Sall. Barbiam in Alex. Severi numo signata, &*

*Etruscilla cum Traj. Decio ex aduerso percussa: quod prius ignorabatur.* Pro hujus confirmatione, ne per omnes, qui de numis scripserunt, eundem sit, Cl. Seguini sententiam addo de numo Græco Decii ex museo regio cum capite Etruscillæ pag. 291. in hæc verba scribentis: *Quid enim consociata viri mulierisque capita additis Decii & Etruscillæ nominibus* ( poterat adjicere: cum solo titulo CEB seu Aug., & adjecisset forsan, si hæc de Vrbica controversia tum mota fuisset, ut satis sequente pagina indicat) *nisi utrumque conjugem designant?*

Videte Viri Clarissimi, ne, si ab hac lege, iis, quæ præstruxi fundamentis subnixæ abimus, si Vrbicam matrem Carini patimur, conjugem negari libere permittimus, in tenebras feliciter depulsas demergamur iterum; ne via sternatur, ut Orbiana etiam, & Etruscilla suis thalamis exturbentur. Lampridius cum sua Memmia Alexandri augusti conjugē, his repagulis perfractis, sane plus contra Orbianam efficiet, quam Vopiscus contra Vrbicam, præsertim cum illius adulterini numi ab aliquibus inter cimelia sint reposita, hæc (de Orbiana loquor) ob adjunctum Mamæ caput in numo musei Theupoli Alexandri fiet filia; Etruscillam historicorum silentium matrem Decii, ut Vrbicam Carini constituet denique, nomen enim illud Herennii & Etrusci cæsares æque ab avia, quam a matre trahere poterant.

Edicite quid huic confusione genealogicæ & numariæ aggeris obponi possit; non solitas fuisse filias augusto parenti conjungi? aut ostendi pluribus, neque matres filiis, si unam Soemiam excipis, sine titulo: *Mat. Aug.* unquam in numis sociatas fuisse, hæc proinde exceptio Orbianam Alexandri thalamo non restituit. Quid contra Etruscillam Decii matrem vultus in eadem anticæ area consignatus conprobabit? Scimus Juliam Domnam Caracallam filium eodem modo respicere; an juvenilis vultus materna potestate ætate gravem Decium eximet?

met? ne minimum quidem, si Carini proluxa barba, atque ii oris ductus, ob quos ille decennio senior Vrbica Harduino videbatur, a materno latere, ne dicam, gremio Vrbicæ sub pupuli specie abstrahere minime possunt.

Ego quidem sic existimo, in quacunque controversia, dum nos historici destituunt, dum ex antiquis monetis historia subplenda est, utendum esse regula tutissima & plurimum conprobata; uxores eas de quibus libri, qui ad nos pervenerunt, meminere, semper per solum AVG. designatas vidimus, idem communi antiquariorum consensione confirmatum tenemus; quid ergo certius in præfente argumento statui poterit, quam Vrbicam, solo AVG. indicatam, Carino in averfa parte junctam, ejus esse conjugem agnoscendam, præsertim cum uxores undeviginti maritis, matres sex tantum, easque ejusmodi, quibus imperatores aut imperium debebant, aut deferebant omnia, matres inquam, sex tantum filiis conjunctas intueamur.

Ex his, quæ pluribus iam disputavi, consequitur, non solum parvulum Inl. Stoschii, sed & maximos duos numos, Albanum alterum, satis diu a me divexatum, alterum de Campii cum epigraphe: VENVS. VICTRIX. eodem tempore, quo Carinus patre mortuo imperium adivit, Magnæ Vrbicæ non matri, sed uxori cusos fuisse, numorum ipsorum inspectio, & comparatio id citra dubium confirmat etiam; numismation, quod Vrbicam cum Carino repræsentat, tanti artificii & elegantie est, ut novam classem minimæ formæ eorum numorum, quos *Medaillons* hætenus dicimus, teste ipso peritissimo olim hujus cimelii possessore constituere promereatur.

Novimus missilia istiusmodi numismata præcipue occasione publicorum festorum, & eo plura atque magis diversa, quo hæc majore

magnificentia exhibita, fuisse signata; de ludis a Carino editis ita Vo-  
piscus pag. 303. *Memorable maxime & Carini, & Numeriani hoc habuit  
imperium, quod ludos Romanos novis ornatos spectaculis dederunt, quos  
deinde fufius describit, non fecus ac Calpurnius, ex quo ea solum, quae  
Corydon summatim canit, placet adscribere. Eclog. VII. v. 44.*

*cerse*

*Vilia sunt nobis quaecunque prioribus annis  
Vidimus, & sordet, quidquid spectavimus olim.*

Nihil simile de Caro usquam legimus, pro ludis ad exercitum  
contra Persas ducendum rapitur, & sane ex omnibus collectionibus  
Cl. Baldinius non plures duobus numis maximis Caro percussos produ-  
cere potuit, ubi Carini, & Numeriani (hos enim cum augusti & impe-  
ratoris titulo non alio tempore flari potuisse, mors ab Apro inlata evin-  
cit) sex, duos Vrbicæ repræsentat.

Quod horum posteriorem adinet, argumentum non omnino  
negligendum mihi sub manu nascitur: typus dæ cum epigraphe: VE-  
NVS. VICTRIX. aut VENERI. VICTRICI. in Vrbicæ numis omnis  
metalli, & formæ decem & tribus aliquantum diversis a Cl. Bandurio  
est adnotatus, similis pars averfa in monetis Carini & Numeriani  
se offert, verum inter plurimos Cari numos, quos idem compilator  
per undecim paginas recenset, ne, unus, qui Venerem Victricem ob-  
jicit. Si Genebrierii, & Harduini diligentiam laudamus, qua ex siglis  
in hujus ævi numis obcurrentibus, de quibus tamen adhuc exiguam lu-  
cem habemus, si Cl. Cl. hi duumviri ex adscriptis literis, & numeris  
rem se determinare posse sunt arbitrati, certius aliquid ex typorum  
similitudine me eliciturum existimo.

Non